

4. KISIK KIKNA : MAWHNA KOICIH DING

a) **Laisiangtho bulphuhte:** Acts 2:38-39; Lk. 15:7-10;
Ezekiel 18:30-32.

b) Thupatna

Christian khat aih keh Pasion ta khat suahtheih nading in a kism masa kal suan pen kisikna hi. Greek leh Hebrew kammal bulte i et ciangin hih kammal khatna a sungtawng hong musak hi. Greek Kammal '*metanoia*' pen 'kisikkikna' in kilet a, a khatna pen lungsim dang neihna, aih keh thuk-et zawkna khitciang a ngimna kheelna cihna hi (Matt. 4:17; Mark 1:15). 'kisikkikna' cih kammal a kilet Hebrew kammalte lak ah khat pen 'shub' hi a, 'kileh kik' cihna hi. i.e., I tuahkhak thute ah kihei kik (U tum). cih na hi (1Kings 8:47; Ezekiel 14:6).

Tu ni in 'kisik' cih kammal pen i sepsate hang a dahna/lungsim noploh na cih khat na hi a, aih keileh na khat peuh hanga lunghiang cihna hi. Ahizong in i muh theih bangin Laisiangtho sungah bel hi bang ciang sangin a thuukzaw khatna nei hi. A taktak in bel, kisik cihpen Nungzui hihna ding a gamtatna masa pen hi.

c) Kisikna Man i cih bang hiam?

Hih pen ngaihsutna leh gamtatna ah kiheikik vilvelna hi.

(i) I ngaihsutna i khek hi.

Pianken ngeina, leh mawhna kihtakna leh a nungzui thute ah ngaihsutna thak khat om hi. Ei le ei i hihna ciang pen a siangtho Pasion adingin nak kihhuai mahmah hi cih phawk theihna khat om hi.

(ii) I gamtatnate i khek hi.

I thumanlohna, angung theihna leh lehpannate nusia in Pasion lam ah kiheikik hihang. Mawhna pan kiheikhia in i nuntaknate Pasion tungah ap in, Zeisu pen i Topa i hisak hi.

Kisikkik ding pen eite mawhpauk hi. I vek khempeuh in mawh khin i hihman in Zeisu pen i Honpa leh i Topa a i san ding kism hi. Zeisu in singlamteh tungah i mawhna man pia khin a, Pasion tawh kizop kikna ah hong puak kik hi. Ahizong in eite in i mawhnate kisikkik in Zeisu pen i Topa hisak a i nuntak khop ding kism hi. Pasion sep ding hilo a, a om lai teng eima thu hi ta hi.

d) Kisikkikna ah a Thupi kispna Thumte

(i) **Kisikkikna pen Ngaihsutna hi.**

Hih pen theih tel ding na khat om hi cihna hi ziau hi. Kisikkikna pen i mawh na phawk theihna leh a siangtho Pasion mit ah a lauhuai na kihel hi. Pasion in i mawhna i muh ding leh ama singthona tawh i teh kak theih ding hong deih hi. Pasion in a mah i dinkhopna mun i muh ding hong deih hi. I nuntaknate ama khut ah kinga in hih thu te, adiakdiak in Pasion kammal a i sim bangbang hong lak ding a Khasiangtho i phat dingin Pasion in hong deih hi.

(ii) **Kisikkikna pen lungsim phutna hi.**

Pasion maiah i dinmun phawkthei takpi leng a vanglian lungsim phutna tawh thuhkikna nei ding hihang. (Isa. 6:5). Hi lai ah langpanna leh kisikna lim thuuktakin kihel hi (Psa.

51:9). I nuntakna sung a i khialhna khempeuh a gihnate phawkkha thei ding hihang. Pasion mawhmaisakna mun i tun ciangbek in tua bang phawknate hemkhia thei ding hihang. (2Cor. 7:9-10). Pasion zia kisikna pen i nuntaknate ading Pasion kammal i ngah nading mun ah hong tun Khasiangtho lampi khen khat hi.

(iii) Kisikkikn pen utna hi.

Tua pen hi lai-ah lunggulhna kihel cihna hi. Kisikkikna pen lungsim, lungtang, ngimna leh a taktak in mikhat ii nuntakna masuatna khempeuh thawhkikhelna hi. Hi pen kikhelna hi. Hih pen kiheikik na leh Pasion vangliatna nuai ah a thak nuntakna kipat thakna hi. Hi bang kisikkikna gamtatna pen Pasion tawh kipan a, tua lai ah Pasion in i kisapna leh ama mai ah i dinmun hong lak hi. Ahizong in eite in hih kilak khat na ah i sepkhat ding ahi hi (Rom. 2:4). Teel ding pen eite' a hi.

e) Mawhmaisakna ii Vangliatna

Kisikkikna pen amah guak ding lo a, khalam ah a peeng (twin). hi. Pasion' Siangthona mai ah eite dinmun zawngkhal i tuah khak khit ciangin Pasion itna leh hehpihna lian tuahkhak ding kisam hihang. Hih in ama ading man tam mahmah a ahizong in hi pen eite hong it luat na hi (1Jn. 1:7-9). Eite mawhnate ei le ei in i hepkhat nading lampi khat bek om a, tua pen i kam sung pan hi. i.e., tua mawhnate pulak in. Tuamah bang in Zeisu pen i Honpa leh i Topa a i lak leh Pasion in eite hong maisak ding hi. Hih bang in i hih leh a mun masa a i mawh ngeisate Pasion in mang ngilh hi. Tua mawhna a ciaptehna pen Pasion in siangtak in phiatkhia hi. Pasion in hong sang khin ahihman in eite mawh paihna leh kisuanna neih ding kisam nawn lo hi.

"Pasion migitna in kisikna lamah nang hong pi lam phawk lo in a kicing ama migitna, a thuakzawhna le a lungduainate simmawh na hi hiam?" (Rom. 2:4 ZIV)

f) Dotna leh kikap ding thute

1. Pasion in eite i nuntaknate leh i gamtatnate hong koici muh cih i thei taktak thei hiam?
2. I mawhnate hang a i dah ding ciang bek bang hangin hoih lo hiam?
3. I kisikkik ciangin i piakkhat/ i nusiak tamlua tawh kibang aih teh i nuntakna pen a ciimhuai, a ciimtak huai mai diam?
4. A hibang lian in, i nisim nuntakna ah kisikkikna takpi ah bang teng kihel hiam?
5. Ei deih bang hi lo, Pasion lampi bang a i zuih teh i lungtang ah bang in uk ding hiam?

g) Tomlakna leh Zatpahna

1. Ei le ei i kipiakna leh i lungsim i vakna pen eite ading a thupi pen nate hong hi ding hi.
2. I mawh siatna leh angung theihna lampite pan i kihei kikna tawh i kisik ding leh, Pasion lamah kihei in ama lampi zuih ding kisam hi. Amah in eite hong it, hong thei leh eite tung pan a hoih pente bek deih hi.
3. I nuntakna angung vaiteng lakhia in ama neih dingin eileh ei Pasiantungah i kipiak ding kisamhi. Zeisu i Topa hi sak ni.